



西湖志  
二

南山勝蹟

ル 5  
1097  
2

共十六



凡 5  
1097  
2 米



西湖遊覽志第四卷

南山勝蹟

自太子灣而西為王岑山其對為赤山惠因澗惠因講寺

王岑山相傳其山產王故潤媚異常孤峰秀拔層巒繚繞中有古木倒植森翠凌冬岷上王岑二字許采書山門王岑宋理宗書也

赤山其土赤墳故名由湖而陟此者近定香橋為赤山埠其水曲為浴鵲灣張伯雨構水軒于此

錢唐



汝成輯撰  
高麗師前  
書相印

劉邦彥詩浴鵠灣頭春水呼猿洞口晴雲漁歌  
欸欸互答樵唱悠悠獨關又詩春水初生浴鵠  
灣篋樓高枕對青山鳥聲啼足忽飛去門掩綠  
陰清書閒自此而南過大慈山出江干商旅不  
絕宋有牛羊滌宮在焉張輿詩急雨斜風吹客  
衣赤山埠頭人渡稀欲行不行徒步遲六橋新  
水漲平堤雲松冥冥曲徑迷採蓮舟傍綠荷歸  
欸乃一聲天欲暝隔花驚起鷺鷥飛

惠因澗出自赤山經惠因寺前以入湖有蛟居澗  
中故洞口鑄鐵為牕櫺嵌石以拒之高數尺因

### 名鐵牕櫺洞

惠因寺後唐天成二年吳越王建宋元豐八年高  
麗國王子僧統義天入貢因請淨源法師學賢  
首教元祐二年以金書漢譯華嚴經三百部入  
寺施金建華嚴大閣藏塔以崇之元祐四年統  
義天以祭奠淨源為名兼進金塔二所適蘇子  
瞻守杭上疏云自熙寧來高麗屢入朝貢兩浙  
騷然皆因奸民徐戩等交通誘引妄談庸僧淨  
源通曉佛法以致義天羨慕來朝從源講解淨  
源既死其徒復持真影舍利違禁過海以致義

天差人祭奠兼進金塔探瞰朝廷受之則以貪  
示外夷計構紛然朝貢踵接夷使所至圖畫山  
川購買書籍不惟中國受疲而邊防亦疎乞却  
金塔勿受絕其來意神宗從之寧宗書華嚴經  
閣理宗書易庵元延祐四年高麗潘王奉詔進  
香繙經于此至正末燬國初重葺俗稱高麗  
寺礎石精工藏輪宏偉兩山所無

赤山左右舊有廣果寺開化尼寺法興寺保福院  
惠永慶院真如院淨梵院崇教院寶林院廣法院  
修吉寺正濟寺法雨寺安福尼寺極樂尼寺定

光庵凝神庵並廢○廣果寺在惠因橋北錢王  
建紹興初漕司試兩浙士于惠因寺以廣果爲  
別試院有虛悅樓鳳二軒○開化尼寺慧知建  
○法興寺舊名法明○保福院在長耳巷舊名  
寶慶錢王建有玉醴泉○真如院貞觀初建○  
淨梵院舊名瑞峰寶林院錢王建有可賦軒○  
廣法院內有清曠亭○修吉寺舊名瑞龍爲郭  
夏季韓四皇后攢宮○法雨寺舊名水心續改  
雲龍大中祥符賜額○安福尼寺尼普隆建○  
極樂尼寺尼德勤建○定光庵在法相寺西有

泉盤瀑飛洒濺沫如珠雖旱不竭名定光泉○  
凝神庵蒲衣道士張達道所居高宗嘗賜白羽  
扇至元猶存薩天錫詩晴日赤山湖水明湖中  
山影一眉青蒲衣道士無人識羽扇年多落鳳  
翎

惠因寺而北爲法相律寺六通律寺晉箕泉

法相律寺俗稱長耳相後唐時有高僧行修號法  
真年十三進具通察諸方得法於雲峰存公生  
有異相耳長九寸上過于項下可結頤號長耳  
和尚天成二年自天台國清寒巖遊錢唐吳越

王待以賓禮居相法院乾祐四年跌逝高足漆  
其真身存焉寺內有錫杖泉劉士亨賀法相寺  
海納庵上人詩湖上招提信少雙翠微樓閣白  
雲牕耳聞古佛遺真像眼見高僧豎大幢衲挂  
紫藤驚鼠竄鉢分滄海毒龍降懷香欲叩毘尼  
藏寸筵臨鐘不易撞

六通律寺舊名六通慈德院吳越王建有辟塵爐  
非木非石扣之錚然纖塵不染

晉箕泉出赤山之陰合于惠因澗元時有黃子久  
公望者號大癡卜居泉上子久善畫有山水訣

傳于世

赤山之北爲三台山于肅愍公墓

于公名謙字廷益錢唐人 英廟北狩時公以兵部尚書任國事外攘內撫有社稷功 英廟復辟奸臣石亨徐有貞等忌譖之誣公不執竟以寃死其子冕奉墓于此成化二年廷議始白止遣行人馬暎諭祭之其詞略曰當國家之多難保社稷以無虞惟公道以自持爲權姦之所害在先帝已知其枉而朕心實憐其忠弘治七年賜諡曰肅愍建祠曰旌功鄭繼之詩太傳出南

方眉宇天人表曩在 英廟朝謫論多了了三邊正統末胡羯日俶擾 先皇巡朔方虜騎伏潢沼黃雲阨塞垣僊仗迷周道法駕一蒙塵作意索金寶京城旣搖動和議雜紛縹公時贊戎機決策截瀾倒告廟定儲君誓衆守隍堡耀兵向陰山真欲舉征討居庸扼咽喉鐵馬豈得搗坐令虜計窮食盡師遂老翠華果全歸黃屋免再造雖重獲罪戾社稷功非小功高反殺身於古亦嘗蹈固由天威赫寔爲青蠅姚天日終輝輝卽見是非瞭神衷啓 后聖殊錫達幽眇憶

昔靖康亂謀國何草草堂堂宋諸良唯唯遵和好甘心拜犬羊所以至絕島直書在史氏公節須讞讞

三台山之前為栗山八盤嶺周真人墓

周真人思得仁和人精五雷法揣測休咎輒驗

皇明永樂初召試嘉獎建天將廟居之扈從北

征累著勞績歷事 仁廟 宣廟 英廟寵資

特厚景泰改元懇乞還山年九十二卒訃聞遣

行人許篈諭祭號真人勅葬于此

自三台山而北為小土嶺東嶽行宮靈應廟永福橋

小麥嶺其地宜麥故名西有支徑可通大麥嶺蓋積慶山之陂陁迤邐者

東嶽行宮宋咸淳中建以奉泰山之神

靈應廟其神蔣通質直孝親紹興十一年七月坐

化桐木下時騰曦熾烈七日如生累見靈異境

內賴之事聞詔為立廟崇祀

永福橋俗稱飲馬橋吳越宋時皆牧馬于此

嶺畔舊有慈德顯聖寺靈隱觀太清宮淨林廣福

院水壑善塔梅坡園壘廢○旌德顯慶

寺宋慈明太后香火賜田三千畝後山泉石甚

西泠志卷之四  
奇有雲崖寺打清壑紫雲亭○靈隱觀宋  
寧宗時中興張氏初御書冲隱庵淳祐中道士  
范善遷重建賜名今額庵在觀右而觀改仁壽  
矣○太清宮寧宗時永靈寶寺固建楊太后書  
道德經刻石幢有歲寒軒養性凝神堂後爲賈  
貴妃功德寺○冰壑書堂宋樞密金淵號冰壑  
築室于此因堊焉積慶永清二山在後平鼎山  
在左湖山在前凡錢唐城邑江湖之勝近在几  
席乃南北二峰中之最高山也有君子天一二  
泉理宗御書積慶山怡顏藏書農圃以賜又賜

寺額曰積慶教忠不及建而止○贊寧塔贊寧  
高氏德清人出家杭州祥符寺著述毘尼時人  
謂之律虎錢武肅王禮重之宋興國初召對滋  
福殿詔修高僧傳三十卷卒諡圓明堊龍井○  
梅坡園楊太后宅業在顯慶寺西董嗣杲詩云  
園丁自飽栽花利月入楊家得幾何者是也  
又西爲大麥嶺其傍爲花家山

大小麥嶺當南北兩山之界又西北過儒芝嶺出  
九里松大麥嶺有蘇軾王瑜題名

花家山一名蛇山瀕湖而登爲茅家埠仇仁近詩



閒循石澗列雲扉樹影生涼怯亭不靜碧軒窻  
聊寄傲軟紅塵土竟忘歸滿傾竹葉春霞滑輕  
摘蕉花曉露稀禪意法乘俱莫問且談舊事共  
依依

嶺畔舊有法空寺資聖院盧園淨安院崇真宮淨  
巖院隆興庵水陸庵妙心寺並廢○法空寺舊  
名資慶○資聖院爲濮王墳○盧園宋內侍盧  
允升小墅景物奇秀有池文石甃砌水洌而深  
異魚種集西湖十景所謂花港觀魚卽此地也  
○淨安院宋內侍董宋臣香火院○崇真宮

爲女冠後改永淨尼寺○淨巖院內侍董永仲  
香火院○隆興庵楊府廨院○水陸庵亦楊府  
廨院又名慶安院

自永福橋折而西北爲靈石山元道士張伯雨墓明  
尚書徐公墓

靈石山亦名積慶山林壑中時有景光蜿蜒扶輿  
狀若異物山畔有半島水清馬鞍延壽等山靈  
石之麓舊有吳越太尉薛公墓今廢薛公居正  
仕武肅王塚前生紫藤邇遶三峰其三世孫昂  
仕宋爲尚書左丞人謂紫藤之瑞應也墓側有

白蛇巖崑崙巖

張伯雨墓伯雨名天雨錢唐人號居貞子又號句  
曲外史宋崇國文忠公九成之後年二十棄家  
遊天台括蒼諸名山晚入關元宮從真人王壽  
衍爲道士風裁凝峻見者異之工書能詩文更  
奇古與吳興趙孟頫浦城楊載蜀郡虞集豫章  
揭傒斯清江范梈金華黃潛友善嘗屏居修茅  
山誌墓近王鈞橋伯雨賣王鈞所建也墓久頽  
廢成化間嘉興姚公綬葺之旣爲立傳復爲之  
銘曰嗚呼此句曲外史居貞先生張公墓也南

屏之右西湖之陽梁題王鈞澗渡靈石路披篠  
樹塢帶烟霞石室藏書碑文紀事其形雖逝其  
神則存翰墨在人文章垂世儼然生氣之張皇  
馨歎無聲周旋滅影穆若太虛而示寂開元精  
舍久無繼續之賢句曲居貞全乏訪求之彥遂  
使墓門荒翳地趾崩奔松柏摧爲薪莫設時樵  
之禁身世是何物曾羅夜客之侵痛茲劍躍雷  
津慨爾硯離王匣所往何咎將來可圖曠世而  
默契予心尚友而景行前哲

尚書徐公墓公名琦字良玉錢唐人宣德初以左

通政使安南黎利瑰金珠香繒甚厚琦悉却之  
少師楊士奇畫梅題詩贈之二云兩度安南奉使  
來王葩曾見嶺頭梅天朝使者清于玉不帶飛  
塵半點回

山畔舊有靈石寺崇德顯慶院崇因報德院並廢  
○靈石寺在棲真院之上○崇德顯慶院舊名  
棲真樞密使章粲建有墓在焉元祐中僧善本  
居之號大通禪師示寂名定光塔後爲永王祈  
王殯所○崇因報德院在鷓鴣峰側有靈石泉  
又名歲寒泉高宗嘗臨幸焉與積慶山永清院

皆開府薛居正功德后院廢而靈石泉猶存

又西北爲鷓鴣山風篁嶺一片雲石楊梅塢獅子峰  
延恩衍慶講寺龍井神運石

風篁蓋領多蒼筤篠蕩風韻淒清至此林壑深沉迥  
出塵表流淙活活自龍井而下四時不絕嶺故  
叢薄荒密元豐中僧辨才淨治潔楚名曰風篁  
蘇子瞻訪辨才龍井送王巖上左右驚曰遠公  
過虎溪矣辨才笑曰杜子有云與子成二老來  
往亦風流遂作亭嶺上名曰過溪亦曰二老子  
瞻紀之詩云日月雙雙變古今同一丘惟此鶴

骨老凜然不知秋去住。無家人士爭挽留。去  
如龍出水雷雨捲。如珠還浦魚鼈爭駢  
頭。此生暫寄寓常。我比陶令媿師爲  
遠公。優送我過虎溪。溪水常逆流。聊使此山人  
永記二老遊。大千在掌。寧有別離憂。○張仲  
舉陪劉時中遊風篁嶺詩。山行貴徜徉。緩轡不  
可驅。天竺已幽阻。風篁更盤紆。前瞻乳竇峰。錯  
立石筍株。洩雲相虧蔽。蒼翠變態殊。層梯俯山  
巔。中路見西湖。晴景散遠鴈。秋色連平蕪。陰崖  
湛坳泓。直下龍所都。森突人上慄。雷水止斯須。

泉流繫活活。泉出閉于于。飛霜未着樹。綠陰尚  
紛敷。茲晨正佳節。得暄暖。扶雙亭。俯澗谷。列  
坐陳酒壺。松風吹桂華。香韻世所無。奉常老博  
士。幾載賜茱萸。歸來北山南。同此寂寞娛。我友  
二三子。文采珊瑚珠。懽然隨所適。形蹟安能拘。  
窮探忘前期。欲罷重踟躕。浮風收不上。矍底青  
模糊。炊烟忽生曠。落日樓啼鳥。終當借上方雲  
卧。蘿月孤。勿盡茲遊興。與君爲後圖。

嶺下沙盆塢。宋有陳剛中。泉今廢。剛中福州閩清  
人。建炎初任太府寺丞。一封事議恢復。忤秦檜。

遂與張九成等七人同歸其詩云同日七人俱  
去國何時裏里許還家尋响知安遠卒歸莖於  
此

一片雲石在風篁嶺上高可丈許青潤玲瓏巧若  
鏤刻松石盤屈草莽間有石洞堆砌工緻巉巖  
可賞

楊梅塢近地峰塢宋時有金姬者所栽楊梅盛美  
因以起蘇子瞻答參寥惠楊梅詩新居未換  
一根綠

參寥曰  
安禪蓋謂此也至令其地楊梅異於

### 他產

獅子峰高出群岫可瞰江滄北望天竺諸峰疊秀  
如畫楊廉夫獅子峰觀潮詩海國梅清瘴雨收  
胡床高踞碧獅頭三韓水接天無盡百越山窮  
地欲浮樓閣剛風吹碧蜃旂旗落日照紅鯨行  
人莫問駟潮事潮落山川淺十洲○獅子擎雲  
涌翠巒我來親拂頂花看隨潮月上樓臺濕度  
海雲生鐘磬寒蓬島不應二萬隔桑田今有幾  
回乾大千不究恒沙界細問彌天釋道安  
延恩衍慶寺俗稱龍井寺唐乾祐二年居民凌霄

西泠志卷之四  
陶寫  
墓緣建為報國看經院宋熙寧中改壽聖院蘇  
子瞻書額紹興三十一三改廣福院淳祐六年  
改是額元豐二年辨才禪師自天竺歸老于此  
不復出入與蘇子瞻補遺道友善後人因建三  
賢祠祀之有歸隱橋方圓庵寂室照閣閒堂訥  
齋潮音堂滌心沼薩埵石冲泉諸天閣諸勝元  
祐以來名賢留題甚多東坡竹石廉宣仲枯木  
楊次公詩十三首風篁嶺云微風搖琅玕蕭瑟  
嶺一道萬筵掃晴空纖塵不可到○龍井云崖  
下一泓泉窈奧不可測有時靈氣生散作人

澤○歸隱橋云道人從此歸影不入塵市端坐  
笑浮雲往來太多事○滌心沼云縱有狂風生  
未嘗險浪起何當招世人來此鑒清泚○獅子  
峯云巖風壯威猛晴雷隱哮吼無心露爪牙百  
獸自奔走○薩埵石云解虎錫常閒飼虎石長  
在忘軀度有情清風幾千載○潮音堂云潮來  
音普聞潮平音亦歇孰若此山堂潮音未嘗絕  
○訥齋云天道竟何言四序自流轉那知毘耶  
翁雖然真大辯○冲泉云不汲泉不盈愈汲泉  
愈清湛然有常德隨氣利羣生○寂室云白雲

西河志卷之四  
十三  
隔塵喧虛堂太岑寂寒盡春自來鶯啼報消息  
○照閣云幽人無遠莫乘興登高閣夜月鎖寒  
林春花繡嚴壑○聞堂云趙公歸休年訪師翠  
微間始知浮世上白日兩人間○方圓庵云地  
方不中矩天圓不中規方圓庵裏叟高趣有誰  
知○秦少遊遊龍井寺記元豐三年秋後一日  
余自吳興道杭東還會稽龍井有辯才大師以  
書邀余入山比出郭日已夕航湖至晉寧遇道  
人參寥問龍井所遺藍輿則日以不時至去矣  
是夕天宇開霽林間月明可數毫髮遂棄舟從

參寥策杖並湖而行出雷峰度南屏濯足于惠  
因澗入靈石塢得支逕上風篁嶺憇于龍井亭  
酌泉據石而飲之自普寧凡經佛寺十五皆寂  
不聞人聲道旁廬舍或燈火隱顯草木深鬱流  
水激激悲鳴殆非人間之境行二鼓始至壽聖  
院謁辯才於潮音堂明日而還

龍井本名龍泓吳赤烏中葛稚川煉丹於此林樾  
幽古石鑑平開寒翠甘澄深不可測䟽澗流淙  
泠泠然不舍晝夜閒花寂草延緣其傍或隱或  
見蒼山圍繞杳非人間時聞鳥韻樵歌響答虛

谷井中相傳有龍居焉禱雨多應或見小蟹斑  
魚蜥蜴之類上覆以樓為惠濟龍王祠水經飲  
馬橋合黃泥嶺東出茅家埠入湖秦少游龍井  
記畧云龍井當西湖之西浙江之北風篁嶺之  
上深山亂石之間西湖深靚空濶納光景而涵  
烟霏菱芡荷花之所附麗龜魚鳥虫之所依憑  
漫衍而不迫紆餘以成文陰晴之中各有奇態  
故岼湖之山多為所誘而不克以為泉浙江介  
于吳越之間一晝一夜濤頭自海而上者再疾  
擊而遠馳兕虎駭而風雨怒遇者權當者壞乘

高而望之使人毛髮盡立心掉而不禁故岼江  
之山多為所脅而不暇以為泉惟此地盤幽而  
宅阻內無靡麗之誇以散越其精外無豪悍之  
脅以虧踈其氣故嶺之左右太率多泉龍井其  
尤者也夫蓄之深發之遠其養也不苟則其施  
也無窮龍井之靈蓋有至於道者其為神物之  
託也宜哉生次鄧文原遊龍井詩杖藜  
入南山如分所懷王局翁來往絢履舊  
空餘松在湖入筑奏徘徊龍井上雲氣起  
晴晝入明玩履亂若發陽岡扣雲石陰



房絕遺梯登一之至取水梔幽實坐我簷  
中餘香不聞也但見瓢中清翠影落羣岫烹煎  
黃金芽不取也雨後同來二三子三咽不忍嗽  
講堂集羣彥一燈坐吟究浪浪雜飛雨沉沉度  
清漏令我懷幼學胡爲累章綬○姚公綬詩龍  
井泉頭與客過計程速度石峯我菜畦麥隴連  
山麓僧寺人家各澗阿泱泱暗涼霜葉亂斑斑  
飛雉夕陽多品嘗顧渚風斯下零落茶經奈爾  
何○孫太初飲龍井詩眼底聞雲亂不開偶隨  
麋鹿入雲來平生於物元無取消受山中水一

盃

神運石高可六尺許奇怪兀突特立簷下有木杵  
一架穿繞竅竇宛若蛇蟠 皇明正統十三年  
中貴李德駐龍井屬旱令力士淘之初得鐵牌  
二十面玉佛一枚金銀各一錠鑿大宋元豐年  
號次得茲石以八十八人搜出之上有神運二字  
傍多款識漶漫不可讀不知何代所鑄也繼得  
鐵牌十五面銀二條上鑿黃赤烏年號蓋皆投  
龍以祈雨者其日黑雲四匝泉頭湧德懼而  
止疏其傍池三日插劍曰浣花曰浴麟德交趾

人幼警悟讀書一目一行洪武間黎王以獻  
高王喜之昵侍左右歷事五朝頗著勞績鎮守  
兩浙卒勅葬於風篁嶺下

嶺畔舊有崇恩演福寺辯才塔無垢院淨林廣福  
院顯應廟金廢崇恩演福寺俗稱南天竺隋  
開皇中有法師真觀居之雅操高潔骨格存焉  
側有靈石塢了髻峰僊人基臺立沙井回泉鍾  
液龍井景趣幽清聽眺俱爽自此過嶺值中天  
竺乾道間有道士四人來寺乞食時午齋已罷  
拒不與道士索筆題椽間云南塢數回泉石西

峰幾疊烟雲登稿孰與爲侶顏寓李甲蕭人  
以爲首句藏呂字次洞字次肩字末乃同行三  
人也書法類李北海咸淳間賜田五千畝元初  
名僧清古源澤雲夢等異王之號稱教海有白  
蓮院夕佳樓張伯雨夕佳樓詩西山朝氣爽南  
山夕氣佳朝爽人共忻夕佳吾所懷山僧閱世  
久結廬深避乖巖樓將到時齒閣亦雙排維南  
列崇阜不受烟嵐穢我亦尋春人心迹倦鳥偕  
茲焉記高躅庶幾辨去處徐夔訪現法師  
宿夕佳樓詩寓縣成多翠湖山寺被兵名蓋俱

泯滅別構獨峰嶸嶸翰墨  
 登臨愧後生巖城圍列嶂  
 半鎚中登水石倚後簷上  
 纖蘿附牖榮倚蘭雲鳥度極  
 目鏡元半日又景逾好秋高  
 思轉清殘陽樹間沒海盡  
 邊橫紫翠霏微合丹鉛點染  
 成茅津有漁唱老嶺少人行  
 暝色松門動寒飈竹嶼鳴疎  
 鐘度餘響遠火露青熒僊梵  
 微微出爐烟裊裊輕山盤撲  
 露寶石出泛雲英洗濯塵凡  
 盡歸依誓願精行當陪竺士  
 聽法破無明○辯才塔在演福  
 院內蘇子由銘云如來昔在世  
 心禪語為教譬如四大海惟是  
 一濕

性性於濕性中變化 十萬億風來為濤瀾風去  
 為湛然魚龍所遊戲 鬼神所出沒船筏借其力  
 網罟取其利其上為 洲渚諸國所生育其下為  
 淵谷百怪所藏伏東西出日月上下屬河漢觀  
 者不能了騁貽何暇說如來知迷悶隨變為解  
 釋因變所說者 名山為教彼金闍教人當知  
 是幻爾既一知 則當識二會我觀世教師  
 皆謂教是實 實故則世禮所訶禪雖訶  
 乎教終以教 若不取教是杜所入門教  
 而不知 也辯才真法師於教得禪

那口舌如... 輒燦然... 金帛常... 有數西... 無垢院... 中韓平... 清首軒... 林廣福... 松關南... 四人松... 此道根... 三福禪... 聖物來... 亦非實... 遺場也... 移寺於... 福院俱... 菴祖墳... 白石與... 硯花壺... 止水得... 女常奔... 能拒道... 真實處... 石人嶺... 重建有... 廣福寺... 楊庵有... 等來遊... 昔興...

同此味老僊留字在辱顏內有噴月泉僧錄泉在暗竹園下○顯應廟宋時以祀郡守胡公則仕當真宗仁宗朝再牧杭州有惠政退老西湖深尊雅絃左子右孫日與交親歌笑輿論重之寶元初天子特命其長子楷通守杭州以便養卒葬於此數見靈異遂立廟祀之

嶺北為基盤山

山頂有方石舊傳丹砂為局子分黑白今已漶漫登其巔則江湖之勝皆可環眺矣龍井之上為老龍井

老龍井有水一泓寒碧異常泱泱叢薄間幽僻清  
與香出塵寰岫壑縈迴西湖已不可復覩矣其  
地產茶為兩山絕品郡志稱寶雲香林白雲諸  
茶乃在靈竺葛嶺之間未若龍井之清馥雋永  
也再上為天門可通靈竺徑術崎嶇草樹蒼鬱  
人烟曠絕幽悄不禁

龍井之南為九溪其西為十八澗

九溪在烟霞嶺西南路通徐村水出江干北達龍  
井張光弼詩春山縹緲白雲低萬壑爭流下九  
溪擬遡落花尋曲徑桃源無路草萋萋

十八澗在龍井之西路通六和塔

西湖遊覽志第五卷

南山勝蹟

錢唐田 汝成 輯撰

自南屏山而南過錢糧司嶺折而西為廣澤禪寺甘露泉

錢糧司嶺吳越王建司於此以徵山課嶺側有龍母池乾溪水

廣澤禪寺舊名甘露晉天福六年吳越王建有泉

一泓其澄可啜若甘露然故以名寺宋治平二年改額廣澤 國初燬天順八年重建

又西南爲大慈山定慧禪寺虎跑泉

大慈山去城可十里在龍山西其址有樵歌嶺戒

定岩

定慧禪寺俗稱虎跑寺唐元和十四年僧寰中建

憲宗賜額曰廣福院大中八年改大慈禪寺僖

宗乾符間加定慧二字宋末燬元大德間重建

又燬 皇明正德十四年寶掌禪師重建嘉

靖十九年又燬二十四年山西僧永果重建○

蘇子瞻詩紫李黃瓜村路香烏紗白葛道衣涼

閉門野寺松陰轉欹枕風軒客夢長因病得閒

殊不惡安心是藥更無方道人不惜塔前水借

與匏尊自在嘗陳浩和詩良二千石昔清賞虎

跑泉頭風露涼直將才華比賈傅徧歷山川如

子長流傳玉局播千古脉絡銀河來上方清秋

擬到三天竺自裹春茶來煮嘗釋來復和詩金

沙泉湧雪濤香灑作 醍醐大地涼倒浸九天河

影白遙通百谷海聲 泉來汲月歸靈石人到

尋源宿上方欲著茶經校奇品山瓢留待羽僊

嘗

虎跑泉宋學士濂銘叙二虎跑泉在杭之南山大

慈定慧禪師年九十而近唐元和十四年性  
空大師來遊此山靈氣鬱盤棲禪其中尋  
以無水將化之忽神人跡而告曰自師之來我  
等徼惠者甚人奈何棄去南岳童子旋當遣二  
虎來移師無憂也翼日果見二虎跑山出泉其  
冽勝常大師因留建上伽藍蘇文忠公守杭爲  
之賦詩有虎移泉眼趨行脚之句蓋紀實也師  
名寰中蒲坂盧氏子得法於百丈海一特龍象  
如南泉願臨濟玄趙州諗巖頭燾雪峰存無著  
喜欽山邃咸來咨叩道要則其德服鬼神彰灼

靈異有不難致者於戲拔劍刺山水爲之湧折  
腰拜井泉乃仰流武夫健將一誠之所格尚若  
此况大師心悟無際者乎洪武戊午冬十有一  
月濂朝京師道經山下今主僧定岩戒有道之  
士也邀濂觀泉且披法衣率其徒同舉梵咒久  
之泉感沸而出若聯珠然已而微作湧勢濂心  
異之遂爲作銘銘曰天一所形厥質乃凝潛行  
重淵與勢俱升至人來居地不愛寶誰信清冷  
生於虎爪山后川君與道爲謀肯私一勺不師  
之留師既留止化泉爲雨式沛且滂潤于千里



幻此荒虛遂成寶坊羣生依之爲正法幢命世  
大才猶龍類象來遊來客如山答韻代祀雖邈  
聲華弗虧至今草木尚被餘輝我於世緣逢觸  
輒礙泉特相知獻萬珠球按擾征騷風埃渺瀰  
有素者衣化而爲緇願挹寸波如習禪定洗滌  
根塵一時清淨○蘇子瞻詩亭亭石塔東峰上  
此老初來百神仰虎移泉眼趨行脚龍作浪花  
供撫掌至今遊人盥濯罷卧聽空塔環珮響信  
知此來如此泉莫作人間去來想聶大年和詩  
中峰有路盤桓上前代遺踪成俯仰老禪對客

欲忘言塵事惱人空鞅掌梵音時答海潮聲山  
雨暗添泉溜嚮倏然長揖下烟蘿王珂謾使因  
風想張輿詩步屨看花入翠微暖風蘭氣襲人  
衣虎曾聽法跑泉出籠或逃禪挾雨飛寰悟鑿  
空開洞府東坡遺跡著岩扉世情總被凡僧惑  
泡影觀來果是非蓋虎跑泉本非因咒而起者  
以人聲振動之則加沸耳

又西南爲崇先龔慶禪寺真珠泉

龔慶禪寺俗呼真珠寺舊名薦福院晉開運間吳  
越王建爲清鑑禪師道場宋大中祥符六年改

西湖遊覽志卷之五  
崇教院開慶元年賜今額

真珠泉在襲慶寺內周顯德間泉自地迸出寺僧因斲為方池聞剝啄聲則泉益湧纍纍如貫珠宋景祐中官不取以釀酒遂以為酒名雷峰路口張園亦有真珠泉董嗣畧詩泉光四散駭猿猱迸起平池點燕燕誰欲斗童徒積夢人將瓶汲肯辭勞聲隨後雨穿疎箔名逐春風入小槽別有雷峰峰下圃一泓埋沒在蓬蒿

西湖遊覽志第五卷終

西湖遊覽志第六卷

南山勝跡

錢唐田 汝成 輯撰

自清波門折而南為筆架山方家峪忠節祠褒親崇壽教寺

忠節祠以祀宋太學生徐應鑣者應鑣衢州人宋亡義不降虜與其二子琦松女元娘俱赴井死同舍劉生等收其屍葬於此朝命贈為秘閣修撰正德間叅政梁材奏請立祠有司春秋致祭褒親崇壽教寺俗稱劉娘子寺宋紹興十八年劉

貴妃建貴妃臨安人入宮為紅霞帔得幸累遷  
才人婕妤婉容尋進貴妃專掌御前文字工書  
畫畫上用奉華堂印然恃寵驕侈常盛夏以水  
晶飾脚踏高宗見之取以為枕妃懼自此少戢  
父懋囚金人南侵獻錢二萬緡以助軍費高宗  
嘉之遂令建寺以為功德有泉自鳳凰山而下  
注為方池命為鳳凰泉于湖張孝祥書刻內有  
松雪亭觀音洞筆架山偃松交枝檜壁間舊有  
陳公儲畫龍甚奇弁山翁詩翟羽鸞綃事已空  
奉華遺寺對高松宮山鳳去無人見且看門前

粉壁龍○秦少游詩匹馬驢嘶石路斜觀音洞  
口踏烟霞普陀風景差相似只欠潮音小白花  
○周端臣詩萬竹蒼寒擁寺門寺碑金字御書  
存榮華肯信當年事儀制空留后世恩影閣有  
聲塵網暗殞宮無月土花昏見梅不敢輕攀折  
恐是春風水際魂

方家峪畔舊有永隆寺遇真院悟真院崇真院廣  
慈院廣嚴院廣福院淨教院寶藏院西蓮瑞相  
院西林法惠院安福禪院金廢○永隆寺僧淨  
林建○廣福院陳淑妃香火又名報恩○淨教

院蔡貴妃香火○寶藏院有烏龍井錢武肅王  
廟碑○西蓮瑞相院黃貴妃香火○西林法惠  
院宋乾德三年建慶曆間禪師法言作西軒激  
水為池壘石為山灑粉峰巒草木之上以象飛  
雪蘇子瞻見而愛之題曰雪齋秦少游為之記  
子瞻詩君不見峨眉山西雪千里北望都城如  
井底春風百日照不消五月行人如凍蟻紛紛  
市人爭奪中誰信言公似贊公人間熱惱無處  
洗故向西齋作雪峰我夢扁舟遠吳越長廊靜  
院澄如月開門不見人與牛惟見空庭滿山雪

○安福禪院內侍陳都知香火

又西南為華津洞梯雲嶺

華津洞宋時趙真王園中層壘巧石為之者曲引  
流泉灌之水石奇勝花竹蕃鮮有僊人棋臺在  
焉

梯雲嶺石磴峻絕嶺上舊有水月寺宋太平興國  
二年建元末燬石水月池靈固石蘇子瞻詩千  
尺長松掛薜蘿梯雲嶺上一聲歌湖山深秀有  
何處水月池中堦影多  
折而南為慈雲嶺永壽禪寺

新刊

慈雲嶺者龍山支脉也故其山名寺額多以龍名  
 石壁間篆刻梁單闕之歲興建龍山至湮灘之  
 歲開慈雲嶺一十八字嶺之巔有亭曰江湖偉  
 觀嶺下有觀音洞洞口有下石龍庵今廢  
 永壽寺舊名資仁後改上石龍永壽院吳越王建  
 石壁上刻宋仁宗佛牙讚讚辭辭詞蓋偽為者  
 嶺下舊有惠光尼寺地藏尼寺福全尼院淨勝院  
 茲廢○惠光尼寺乾道間張循王女孫真寂自  
 幼為尼奉章太后香火相繼住持皆張氏女也  
 有佛指放光故名○淨勝院舊名下石龍

嶺之南為龍山

龍山一名卧龍山又名龍華山與上下石龍相接  
 去城南可十里許天目分支沿江而東結局於  
 此蜿蜒若遊龍然山北有鴻雁池其東為白塔  
 嶺

其上為天真禪寺登雲臺其下為勳賢祠為天龍禪  
 寺天華禪寺勝相禪寺龍華禪寺宋籍田

天真禪寺梁龍德中錢王建寺居山頂今惟一庵  
 存焉

登雲臺後梁龍德中錢王建又名拜郊臺蓋錢王

借郊天地之所也臺側有靈化洞武肅王勒壁  
存焉洞深百步濶十餘丈和靖東坡題名  
勳賢祠舊名天真精舍在天龍寺之左嘉靖九年  
僉事王臣揭陽薛侃會稽錢德洪王畿醵金鬻  
寺僧地創建精舍祀新建伯王文成公守仁中  
爲祠堂後爲文明閣藏書室傳經樓望海亭諸  
處置膳田以待四方學者萬曆二年侍御萬安  
蕭公按浙增建凝道堂八年毀天下書院而精  
舍亦混爲里甲所佃十一年蕭公督撫兩浙與  
侍御江陰范公慨焉傷之爲請于

朝禮部是兩公議復祠與田仍

欽賜祠額有司春秋致祭如禮云○王伯安西安雨  
中寄德洪汝中并示書院諸生詩幾度西安道  
江聲暮雨時機關鷗鳥破踪蹟水雲疑仗鉞非  
吾事傳經愧爾師天真永石秀新有鹿門期○  
又寄答德洪汝中方卜書院盛稱天真之奇詩  
不踏天真路依稀二十年百門深竹徑蒼峽瀉  
雲泉泮壁環香海龜疇見宋田文明原有象卜  
築豈無緣

天龍寺宋乾德三年吳越王延以居鏡清禪師大

中祥符元年改名感業建久二年大火惟木觀  
音像獨存紹興十二年建慶元以淨明院為齋  
宮以感業居從宮從世僧徒漸散而寺亦圯元  
延祐間僧道平重建至正間南北兩山諸刹或  
燬或頽惟天龍僅存寺有堂扁曰山舟貫雲石  
所書寺中有疑翠井余士吉詩龍飛鳳舞兩峰  
回王氣纔銷梵宇開卓錫地侵行輦地雨花臺  
近拜郊臺草分野色綠城去風引江聲入寺來  
三百年過如昨日老禪猶說舊蓬萊○張輿詩  
鳳凰山中多古寺天龍之境何深幽半空花雨

春浮殿萬壑松聲風滿樓宋室園丘禾黍合胡  
髡方丈石泉流吟哦不盡登臨興落日滄江生  
客愁○劉士亨山舟詩高僧住處屋如舟臥穩  
渾無夜壑憂高櫓不施隨地泊波濤已斷樂天  
游香飄半入蒼龍窟夢落多迷白鷺洲喚起酸  
齋狂學士虎溪溪上共夷猶

天華寺舊名千春龍冊為鏡清禪師道場有願軒  
妙音樓化生池  
勝相寺舊名龍興千佛庵開成中建錢氏時有西  
竺僧轉智者附海舶歸風鳴浪湧智誦如意輪

咒見如意珠王相高十丈屬急何濟智謀建高  
宇以答佛施建炎兵燬止存五丈觀音諺傳人  
有意度則云轉智者以此也草道中孝宗常臨  
幸焉

龍華寺舊名龍華寶勝錢王以瑞芎園捨建有傳  
大士塔像拍板門槌司馬溫公祠堂今皆不存  
傅大士故漁人也遇嵩頭陀語曰我昔與汝於  
毗婆尸佛前發願度生汝今何時還兜率宮指  
令臨水觀影大士乃見圓光寶蓋便悟前因夫  
婦雙修頓通佛法梁武帝召見壽光殿共論真

諦大士曰息而不感帝又請講金剛經大士拍  
案一拍而起帝不喻再請講大士乃索拍板升  
座唱四十九頌頌終而去蘇子瞻大士像贊云  
善慧執板南泉作舞借我門槌為君打破元末  
燬 國朝宣德四年建

宋籍田在天龍寺下中阜規畫環以溝塍作八卦  
狀俗稱九宮八卦田至今猶存茶

山傍有宋郊壇高禘壇淨昭大通院道林院寶  
惠院般若院冲天觀工虛臺烏菱池鴻鴈池玉  
津園並廢○郊壇紹興二建王元章詩蕩蕩



南郊路金輿不復行古堂無草色新樹自風聲  
寂寞荒村景淒涼故國情  
民能道舊曾是御營兵汪以質經故  
鄧臺詩  
厭煩尋路僻偶爾入荒村古禮存遺蹟  
頃丘墓至尊松風悲闕寂江月照黃昏  
餘恨無今古  
壽人欲斷魂○高禩壇紹興四年建  
內有鴻池  
張仲舉詩  
衰草寒烟老木風南朝佳氣落然空  
壁來山鬼遮秦使雙泣僊人出漢宮  
壞埒尚傳祠乙鳥荒池曾見射飛鴻  
騷人自古多荆思長在登臨感慨中○  
淨明院郊壇齋宮有易安齋梅花岩江月庵印

烏亭高宗梅花岩詩怪石蒼岩映翠霞梅梢踈瘦正橫斜  
得因祀事來尋勝試探東風第一花  
○寶惠院一名會濟吳越王建○般若院吳越王建○烏菱池一名窰池○玉津園在嘉會門外紹興十七年建孝宗數臨幸命群臣燕射于此  
自後翠華罕駐景物漸衰陸務觀詩云聖主憂民罷露臺春風別苑晝長開  
盡除曼衍魚龍戲不禁芻蕘雉兔來水鳥避人橫翠靄宮花經雨委蒼苔  
殘年自喜身強健又作清都夢一回  
稍南為妙因山吳越國文穆王忠獻王墓

文穆王名元瓘武肅王子忠獻王名仁佐文穆王  
子舊有表忠觀蘇子瞻為之記云熙寧十年十  
月戊子資政殿大學士右諫議大夫知杭州軍  
州事臣林言故吳越國王錢氏墳廟及其父祖  
妃夫人子孫之墳在錢唐者二十有六在臨安  
者十有一皆蕪廢不治父老過之有流涕者謹  
按故武肅王鏐始以鄉兵破走黃巢名聞江淮  
復以八都兵討劉漢宏并越州以奉董昌而自  
居於杭及昌以越叛則誅昌而并越盡有浙東  
西之地傳其子文穆王元瓘至其孫忠獻王仁

佐遂破李景兵取福州而仁佐之弟忠懿王俶  
又大出兵攻景以迎周世宗之師其後卒以國  
入覲三世四上與五代相終始天下大亂豪傑  
蜂起於是時以越州之地盜名字者不可勝數  
既覆其族而後無事之民罔有子遺而吳越  
地方平也  
甲於天下  
其民三  
相聞至  
命四方

至城下。河東劉氏百戰守死。元。命封府庫籍郡縣。方僅。元。命封府庫籍郡縣。請吏於朝。元。命封府庫籍郡縣。其人昔嘗。元。命封府庫籍郡縣。其父子墳。元。命封府庫籍郡縣。而未及百年。元。命封府庫籍郡縣。獎忠臣慰答民心之義也。臣願以龍山廢佛祠。曰妙因院者為觀使。錢氏之孫為道士曰自然者居之。凡墳廟之在錢唐者以付自然其在臨

安者以付其縣之淨土寺僧曰道微歲各度其徒一人使世掌之籍其地之所入以時修其祠宇封殖其草木有不治者縣令丞察之甚者易其人庶幾未終不墮以稱朝廷待錢氏之意臣抃昧死以聞制曰可其妙因院改賜名曰表忠觀銘曰天目之山茗水出焉龍飛鳳舞萃于臨安篤生異人絕類離群奮挺大呼從者如雲仰天誓江月星晦蒙強弩射潮江海為東殺宏誅昌庵有吳越金券王冊虎符龍節大城其居包洛山川左山右湖控引島巒歲時歸休以燕父

老聃如神人王帶越馬四十一年寅畏小心筐  
篚相望大貝南金五朝昏亂罔堪託國三王相  
承以待有德既獲所歸弗謀弗咨先王之志我  
維行之天祚忠孝世有爵邑允文允武子孫千  
億帝謂守臣治其祠墳毋俾樵牧愧其後昆龍  
山之陽巋焉新宮匪私於錢唯以勸忠非忠無  
君非孝無親凡百有位視此刻文

稍北爲王厨山善慧禪寺

善慧寺元延祐間建伏龍岡禪師道場寺傍舊有  
真覺院

妙因山之陽爲江文昭公墓

江氏仁和世族其父玘舉景泰辛未進士歷官給  
事中山東右叅政文昭公名瀾舉成化戊戌進  
士歷官翰林院編脩學士吏部左侍郎忤幸臣  
劉瑾出爲南京禮部尚書瑾誅贈太子少保賜  
謚其弟洵戊午舉人瀾之仲子曉舉正德戊辰  
進士歷官吏部郎中布政使府尹工部右侍郎  
隆慶初用臺諫言贈尚書三子暉舉正德丁丑  
進士翰林院庶吉士諫止南巡出爲廣德知  
州召還編修修撰四子曜以恩蔭歷官中書舍

西華志卷之六  
人禮部員外郎曉子圻舉隆慶戊辰進士歷官  
南京刑部主事郎中廣西提學僉事曜子埏以  
恩廕歷官應天右中長蘆運同圻之子鐸舉萬  
曆甲戌進士瀾之伯兄曾孫金丙子舉人仕宦  
蟬聯甲於一郡世德清謹而叅政尚書侍郎修  
撰學使皆從祀府學鄉賢祠侍郎修撰學使鐸  
皆以春秋魁榜尤士族所稀也

西華志卷之六卷終

西湖遊覽志第七卷

錢唐田 汝成 輯撰

南山勝蹟

自清波門折而東南爲鳳凰山

鳳凰山兩翅軒翥左薄湖潯右掠江濱形若飛鳳  
一郡王氣皆籍此山自唐以來肇造州治蓋鳳  
凰之右翅也錢氏因之遞加拓飾逮于南宋建  
都而茲山東麓環入禁苑張閱華麗秀比蓬岷  
佳氣扶輿萃十一脉開署布政駐輦宅中民吏  
之所憑依帝王之所臨蒞隱隱賑賑者六七百

年可謂盛矣元時納胡僧之說卽故宮建五寺  
築鎮南塔以壓之而茲山到今落實乃卽開元  
宮建睿治面對吳山蓋鳳凰之左翅也 我朝  
因之而官司位署皆列左方爲東南雄會豈非  
王氣移易發洩有時也山據江湖之勝立而環  
睡則凌虛驚遠環異絕特之觀舉歸眉睫

其麓爲萬松嶺萬松書院八蟠嶺留月臺玉壺臺

萬松嶺夾道多巨松在唐時已有之白樂天湖上

夜歸詩半醉閒行湖岬東馬鞭敲鞞響玲瓏萬

株松樹青山上十里沙堤明月中樓角漸移當

路影潮頭欲過滿江口風歸來未放笙歌散書院  
重開蠟炬紅南宋時宏齋適大內碧瓦紅簷鱗次  
櫛比今夷爲大塗而松亦無幾矣

萬松書院本報恩寺故址也弘治十年參政周木  
燬寺而建書院中設先師孔子及四配像爲大  
成殿明道堂居仁由義二齋顏樂會唯二亭南  
北楔綽二日德侔天地道貫古今以孔氏子孫  
世守之嘉靖五年御史潘倣建毓秀閣翼以精  
舍以待四方遊學之士

八蟠嶺在萬松嶺右過北而南可達月岩王元章

詩路遶危垣上風高松檜鳴花飛殊失意草長  
不知名遊客諮遺俗居民指舊京浮屠天末起  
瞻望忽傷情

留月玉壺二臺在書院右方上爲月岩下爲圭石  
中有四亭曰振衣曰可汲曰依雲曰見湖秀石  
巉巖青蒼玉削纍纍然若芙蓉之未舒隱見草  
莽者不可勝紀

嶺畔舊有報恩寺唐元貞間建元至正間築城移  
建大井巷 國初併海會寺成化間仍徙故  
址內有舞鳳軒萬菊缸浣雲池銅井白樂天浣

雲池詩白雲本無心舒卷長自潔影落一鑑空  
可浣不可涅鳶飛魚躍間上下俱澄澈此意難  
與言覽之自怡悅○蘇子瞻萬菊軒詩一軒專  
爲黃花設富擬人間萬石君佳本盡從方外得  
異香多在月中聞引泉北澗分清露開徑南山  
破白雲此意欲爲知者道陶翁猶自未離群○  
嶺上有沈婆井嶺下有郭公井相傳晉時郭璞  
所相鑿者蓋其時杭州北濱江斥鹵艱於甘泉  
故地脉非璞不可識鐵冶嶺亦有郭璞井  
又東經鳳山門折而南曰禹松坊爲報國講寺

萬松坊永樂己方金臺王印書

報國寺元至元十二年從胡僧楊璉真伽請即宋故內建五寺曰報國曰興元曰般若曰儒林曰尊勝報國寺即畫拱殿殿角有銀杏樹其實無心楊仲弘詩所謂萬年珠樹落秋霜是也內有碧梧軒舞鳳軒興化寺即芙蓉殿船若寺即和寧門儒林寺即延和殿尊勝寺即順寧殿下有曲水流觴楊璉真伽於宋者陵建塔其上其形如壺俗稱一瓶塔高二百丈內藏佛經數十萬卷佛菩薩像萬軀望餘如雪故又名白塔至順

辛未正月十四日黎明雷震之至正末為張仕誠所毀其寺鐘即故內禁物也西有望江亭大江百里盱眙可覽至今有尊勝巷四寺雖隘而景致宏麗延祐至正間諸寺遞燬

皇明洪

武二十四年重建報國寺僧韶夢堂舞鳳軒詩江濤曉上青崔嵬山勢遠從天目來錢氏豈能當王氣郭之端履是僊才光搖晴旭九苞動影拂秋旻雙翅回我翩然覽輝下一軒着此亦宜哉○楊仲弘畫堂懷古詩西湖清濁自天開鴻鴈鳧鷖日徙黃道星辰環太乙紫微宮殿



擁蓬萊能文說  
癸王褒頌獻壽深傾阿母杯  
九域輿圖今泯一  
百年耆舊獨興哀  
其二山回禁禦入雲長  
無復碑兵衛兩廂  
千古金鐘埋野草  
萬年珠樹落秋霜  
龍文不徙陽人聚  
鳥篆終歸軹道傍  
九市塵埃來袞袞  
一江風浪去茫茫  
其三斜界鈞陳通  
大道中分魏闕對  
層巒雲生殿上金  
爐暗露下庭前  
王井寒江漢飛龍  
俄杳杳滄溟泛鷁  
竟漫漫中天會合  
寧非數坐見蒼生  
奠枕安其四化城  
宮闕被層阿棟宇  
高低若湧波翠石  
文章題日月寶珠  
光燄燭山河空桑  
說

揚思

法黃龍聽貝葉繙經白馬駝誰道一無超衆有  
祇今塵土重來過  
○僧宗泐詩欲識錢唐王氣  
但紫宸宮殿入青蕪  
朔方鐵騎飛天塹  
師相樓船宿裏湖  
白鴈不知南國破  
青山還傍海門孤  
百年又見城池改  
多少英雄屈壯圖  
又云天地無情日月  
徂鳳凰山下久榛蕪  
獨憐內殿成荒寺  
空見前山映後湖  
塞北有誰遺一老  
海南無處問諸孤  
蓬萊閣上秋風起  
先向燕京入畫圖  
○錢思復同武仲仁  
登白塔詩鹿苑蕭條  
景龍山慘淡陰  
百年同感慨九日此  
登臨宮葉詩誰

西華志卷之七  
五  
寫離花酒共斟不知城外雨涼思滿幽襟其二  
香火今朝寺雲山前代宮雕欄陳蹟在白塔風  
烟籠雨泣交龍柱風悲孤鳳栖惟應江上水千  
古醉英雄其三宋宮傳是唐朝寺白塔雀窠痕  
殿前夏雨染成千樹綠暮嵐散作一江烟蒼苔  
門外銅鋪暗細柳管中盡角傳寂寞葫蘆宮井  
畔野人拾得舊金鈿○鄭洪詩江山襟帶尚依  
然王氣消沉已百年八葉龍孫東入海六宮綠  
女北歸燕銅駝荆棘西風裏石馬莓苔落照邊  
至匣遊魂飛劫火五陵嘉樹不啼鶯

宋行宮即錢王舊宮也皇城九里入和寧門進  
奏院王堂右中殿外庫至北宮門循廊左序巨  
璫幕次列如魚貫祥曦殿朵殿接修廊為後殿  
對以御酒庫御藥院慈元殿外庫內侍省內東  
門司大內都巡檢司御厨天章等閣廊回路轉  
衆班排列又轉內藏庫對軍器庫又轉便門垂  
拱殿五間十一架長六丈廣八丈四尺簷屋三  
門長廣各丈五其木殿四兩廊各二十間殿門三  
間內龍舞折檻殿設雜舍七間為延和殿右便  
門通後殿殿左一殿隨時易名明堂郊祀曰端

誠策士唱名曰崇英堂對奉使曰崇德武舉及  
軍班授官曰講武東宮在麗止謂內南宮門外  
本宮實歲所之側入門垂楊入道間以芙蓉環  
朱闌二里至外宮門即堂後為財帛生料二庫  
環以官屬直舍轉外窰子入內宮門廊右為贊  
導春坊直舍左講堂七楹偏新光蓋外為講官直  
舍正殿向明左聖堂右祠堂後凝華殿瞻業堂  
環以竹左寢室右齋安位內人且舍百二十楹  
左養齋太子賜號也接繡香堂便門通繹巳堂  
重簷復屋昔楊太后垂簾於此曰慈明殿前射

圃竟百步環修廊右博雅樓十二門左轉數十  
步雕闌花甃萬卉中出鞦韆對陽春亭清齋亭  
前芙蓉後木樨玉質亭梅繞之由繹巳堂過錦  
膳廊百八十楹直通御前廊外即後苑梅花千  
樹曰梅岡亭曰冰花亭枕小西湖曰水月境界  
曰澄碧牡丹曰伊洛傳芳芍藥曰冠芳山茶曰  
鶴丹桂曰大闕清香堂曰本支百世佑聖祠曰  
慶和泗州曰慈濟鍾呂曰得真橘曰洞庭佳味  
茅亭曰昭儉木香曰架雪竹曰賞靜松亭曰天  
陵偃蓋以日本國松木為翠寒堂不施丹雘白

如象齒環以古松碧琳堂近之一山崔魏作觀  
堂爲上焚香祝天之所理宗時吳知古掌焚脩  
每三茅觀鐘鳴觀堂之鐘應之則駕輿山背芙蓉閣風帆沙鳥咸出履鳥下山下一溪縈帶通  
小西湖亭曰清漣怪石夾列獻瑰逞秀三出五  
湖洞穴深杳豁然平朗翬飛翼拱凌虛樓對瑞  
慶殿損齋緝熙崇政殿之東爲欽先孝思復古  
紫宸等殿木圍卽福寧殿射殿曰選德坤寧殿  
貴妃昭儀婕妤等位宮人直舍醴聚焉東過閣  
子庫睿思殿儀鸞修內八作翰林諸司是謂東

華門○元黃潛鳳凰山故宋宮詩滄海桑田事  
渺茫行逢遺老色荒涼爲言故國游麋鹿謾指  
空山號鳳凰春盡綠莎迷輦道雨多蒼薺上宮  
墻遙知汴水東流畔更有平蕪與夕陽○趙子  
昂詩東南鄙會帝王州三月鶯花非舊遊故國  
金人泣辭漢當年王馬去朝周湖山靡靡今猶  
在江水悠悠只自流千古興亡盡如此春風麥  
秀使人悲○楊子承詩天下車書正一家數逢  
陽九亂如麻兩朝北行邁天寶四海南奔類永  
嘉陵寢可憐分異域衣冠不復返中華玉簫吹

暖錢唐月一作今三行一作添一作一一作仇仁近詩漸無  
南窗舊衣一作一一作三一作寒鳳鳥不來山寂  
寂鴟一作在一作一一作燕米官一作禁故苑烟  
花谷白一作惟一作外一作長一作了一作送征鞍  
○楊廉夫詩天下乳鳳飛來小南渡君臣又六  
朝劫火不燒楊一作塔一作塔一作塔一作抵伍脊朝燐光夜  
附山精出籠氣秋隨一作霧消惟有宮人斜畔月  
夜深猶自照吹蕭○張仲舉詩南渡君臣建業  
偏不堪喬木黯風烟豈知白馬興王日又到紅  
羊換劫年一作輔皇圖空郡國一作公朝王氣渺山川

白頭開

今日應覽遺蹤一愴然○錢思復

詩登臨休

黍離章千里江流接大荒劍鎖血

華空楚舞

埋香骨失秦粧薜蘿山鬼啼螢苑

荆棘銅駝臥鹿場寂寞萬年枝上月夜深猶照

舊宮牆○陳廷言詩越水也大山共寂寥已無遺

老話前朝海門三日潮聲歇天日千年王氣消

夜月烏啼龍井樹春風花落海鮮橋威儀文物

今何在回首浮屠倚碧霄○王逢詩王氣凌虛

散曉霞虎闌麟閣靜烟花山大日月迂黃道滄

海風雲冷翠華明帝神遊一作天子國鳥衣夢隔野

人家當時舉巨山河異豈但紅顏泣塞笳其二  
周南風俗漢不冠五色雲中憶駐鑿瓊檜高  
藏白獸蓋珠光發降文鸞河通織女機絲濕雨  
歇巫娥翠黛雲滿地吳山誰洒淚一江春水獨  
凭欄其三瑤池青鳥集觚稜白塔金烏闕夜燈  
雲母帳虛星彩動水晶宮冷露華凝驪山草暗  
墟周業郿塢花繁失漢陵白馬素車江海上依  
然潮漲撼西興其四金爵餘稜月向低泠泠清  
磬萬松西五門曙色開龍尾十日春寒健馬蹄  
紅霧不收花氣合綠波初漲柳條齊遺民暗憶

名都會尚繞湖濬陷大堤○藍澗詩南渡山川  
王氣銷西風松柏認前朝紫宸無復千官宴滄  
海空餘半夜潮龍去蓬萊曾駐輦鳳歸寥廓不  
聞簫上方樓閣依稀在暮雨疎鐘送寂寥○徐  
賁詩荒山欲逐鳳凰騫誰構浮屠壓寢園土厚  
尚封南渡骨月明不照北歸魂海門有路雙龍  
去沙叙無潮萬馬屯莫向秋風重惆悵梵王宮  
裏易黃昏○劉台溫詩澤國繁華地前朝舊此  
都青山彌午粵白水入三吳長嶽銷土氣坤靈  
擎帝座西宮千里恨九子一身孤設險憑天塹

偷安負海隅雲霞行殿起燕棘宸園蕪幣帛敦  
和議弓刀抑武大但聞當了奏不見立庭呼鬼  
蜮昭華衣忠良賜屬鍾河勞問社稷且自作歡  
娛杭稻來六會魚龜出異區尊魏北闕多士  
樂西湖鷁首馳文舫龍鱗舞繡襦暖沙搖篔簹積  
涼月浸濯瑜紫台秋風老紅蓮曉露濡巨螯擎  
擁劍香飯漉雕胡蝸角乾坤大鰲頭氣勢殊秦  
庭迷指鹿周室歎瞻烏白馬違京輦銅駝擲路  
衢含容天地廣養育羽毛俱橘柚馳包貢塗泥  
賦上腴斷犀埋越棘照乘走隋珠吊古江山在

懷今歲月逾鯨鯢空渤澥歌詠已唐虞鷓鴣  
何極羊裘釣不迂征鴻眷南去回首憶尊鱸

又南折而西爲梵天講寺

梵天寺宋乾德中吳越王建名南塔治平中改今

額元元統中燬

皇明永樂十五年重建有

石塔二靈鰻井金井先是四明阿育王山有靈  
鰻井吳越王迎阿育舍利歸梵天寺奉之鑿井  
南廊鰻忽見僧贊寧有記僧志銓詩落日寒蟬  
鳴獨歸林下寺柴扉夜未掩片月隨行履惟聞  
犬吠聲又入青蘿去○蘇子瞻和詩但聞烟外

鐘不見烟中寺幽人行未已草露濕芒屨惟應  
山頭月夜夜照來去○又寒食遊南塔寺寂照  
堂詩城南鐘鼓闐清新端爲投荒洗瘴塵總是  
鑑空堂上客誰爲寂照鏡中人紅芳歸去風驚  
曉絲葉成陰雨洗春記取明年作寒食杏花曾  
與此翁隣

唐宋以來州治故在鳳凰山下南渡駐輦因以爲  
行宮而萬松八蟠介亭諸勝皆列皇城之外行  
宮北州治稍東南至江干皆禁籞也故序州治  
於此舊有虛白堂因巖亭志奎亭碧波亭高齋

東樓望海樓清暉樓中和堂有美堂石林軒金  
廢○白樂天虛白堂詩平旦起視事亭午臥掩  
關除親簿領外多在琴書前况有虛白堂坐見  
海門山潮來一憑檻賓至一開筵終朝對雲水  
有時聽管絃持此聊過日非忙亦非閒山林太  
寂寞朝闕空喧煩惟茲郡齋內曩靜得中間○  
樂天因出右亭詩箕穎人窮獨逢壺路阻難何如  
兼吏隱復得事躋攀岩崩羅世下江雲貯棟間  
似移天目石疑入武江山清且徒堪賞皇恩肯  
放還遙知興未足卽被詔催還○樂天志簽亭



西海志卷之七  
詩翠巘公門對宋軒野徑連只開新戶牖不改  
舊風烟空室開生白高情淡入玄酒客同坐勸  
詩借屬城傳自笑滄江畔遙思絳帳前庭臺隨  
事有爭敢比忘筮○嚴維九日高齋詩詩家九  
日憐芳菊蓮客高齋對浙江渙浦浪花搖素壁  
西陵樹色入秋隲木奴向孰懸金實桑落新開  
馮玉缸四子醉時曾講德吟論黃霸屈爲邦○  
樂天東樓詩東樓勝事我偏知氣象多隨昏旦  
移湖捲衣裳白重疊山張屏障綠參差海儂樓  
塔晴方出江女笙簫夜始吹春雨星攢弄蟬火

秋風霞颭弄潮旗太守經年嘲不盡郡齋空作  
百篇詩又寄題郡樓詩官歷二十政宦遊三十  
秋江山與風月最憶是杭州北郭沙堤尾西湖  
石圻頭綠楊春送客紅燭夜回舟不敢言遺愛  
空知念舊遊憑君吟此句題向望濤樓又東樓  
晚眺寄張水部詩澹烟疎雨間斜陽江色鮮明  
海氣涼樹散雲收破樓閣虹殘水照斷橋梁風  
翻白浪花千片鴈點青天字一行好著丹青圖  
寫取題詩寄與水曹郎又東樓南望詩不厭東  
南望江樓對海門風濤生有信天水合無痕鷓

帶風帆動鷗和雪裏翻魚鹽聚爲市烟火起成  
村日脚金波碎峰頭細點繁送秋千里鴈報暝  
一聲猿已豁煩襟悶仍看病眼昏郡中登眺處  
無勝此東軒又江樓夕望招客詩海天東望夕  
茫茫山勢川形濶復長燈火萬家城四畔星河  
一道水中央風吹古木晴天雨月照平沙夏夜  
霜能就江樓消息有氣比君茅舍校清涼○蘇子  
瞻望海樓詩海上濤頭一線來樓前指顧雪成  
堆從今潮上君須上更看銀山十二回青山斷  
處塔層層隔岸人家喚欲應江上秋風晚來急

爲傳鐘鼓到西興樓下誰家燒夜香玉笙哀怨  
弄清涼臨風有客吟秋扇拜月無人見晚粧沙  
河燈火照山紅歌鼓喧喧語咲中爲問少年心  
在否角巾欹倚髮如蓬○樂天清暉樓寄嚴維  
詩嚴維制茲樓立名曰清暉未及題花榜遽催  
還粉闥去來三四等塵土登者稀今年新太守  
掃灑施簾幃院柳烟婀娜簷花雪霏微看山倚  
西戶待月闌東扉香煙夢瑤瑟朱欄飄舞衣燒  
香捲簾坐風燕一雙飛君作不得住我來幸因  
依始知天地間靈塔有所歸○中和堂本錢王

閱禮堂也壯麗絕倫暑月最快蘇子瞻去任夏  
日有懷詩忠孝王家千柱宮東坡作吏五年中  
中和堂上東南好獨有人間萬里風○有美堂  
嘉祐二年龍圖學士梅摯出守杭州仁宗賜之  
詩云地有湖山美東南第一州剖符宣政化持  
橐輟才流暫出論思列遙分宵旰憂循良勤撫  
俗來暮聽歡謳摯到郡卽以有美二字名其堂  
歐陽文忠公爲之記略云舉天下之至美與其  
樂有不可兼者多矣故窮山水登臨之美者必  
之乎寬閒之野寂寞之鄉而後得焉覽人物之

盛麗誇都邑之雄富者必據乎四達之衢舟車  
之會而後足焉蓋彼放心於物外而此娛意於  
繁華二者各有造然其樂不可得兼也羅浮天  
台衡嶽廬山洞庭之廣三峽之險號爲東南奇  
偉秀絕者人在乎下州小邑僻陋之邦此幽潛  
之士窮愁放逐之臣之所樂也若乃四方之所  
聚百貨之所聚物盛人衆之所會而又能兼  
有山水之美者蓋亦貴之而已惟金陵錢唐然  
二邦比肩而居其地聖宋之盛金陵以後服見  
誅今其江山如畫而頽垣廢址一烟野草過者

疇蹟而傑於茲者唐自五代時知尊中國功臣  
順及其上也頗有請命不煩干戈今其民幸富  
足矣無文俗習正以屋華麗蓋十萬餘家環  
以湖山左右吐霧而闔閭領習風帆海船出入  
於江濤浩渺雲烟杳靄之間可謂盛天而師是  
邦者必皆朝廷公卿大臣若天子之侍從又有  
四方遊士爲之賓客故其山形勝治亭榭相與  
極遊覽之娛然與其所取有得於此者必有遺  
於彼獨所謂有美堂者山水公臨之美人物邑  
居之繁一寓目而盡得之蓋錢唐兼天下之美

而斯堂者又盡得錢唐之夫焉宜乎公之甚愛  
而難忘也○蘇子瞻與陳太守有美堂夜歸詩  
娟娟雲月稍侵軒潏潏星河半隱山魚鑰未收  
清夜永鳳簫猶在翠微間淒風瑟縮經絃柱香  
霧霏迷着髻鬟若喜使君能共樂萬人爭看火  
城還○石林軒宋初守孫馮建燕思閣取立石  
七株置閣前號七賢石蒲宗孟更名石林軒  
自梵天寺而北折而西迤邐松篁爲勝果禪寺月岩  
勝果寺唐乾寧寺無着禪師建吳越王鎬彌陀  
觀音勢至三佛及十八羅漢像於石壁宋慶曆

初賜額崇聖寺正間燧

皇明洪武初

興初禪師建又燧亦樂十五年重建松徑盤紆  
澗淙潺湲唐潘處恭詩路自中峯上盤回出薛  
蘿到江吳地盡隔嶺越山多古木重青藹遙天  
浸白波下方城郭近鐘磬雜笙歌○王介甫詩  
登高見山水身在水中央下視樓臺處空多樹  
木蒼浮雲連海氣落日動湖光偶坐吹橫笛殘  
聲入富陽○僧圓法師詩并序云勝果名利相  
望而高軒虛閣盡得江山之勝際因誦謝宣城  
天際識歸舟雲中辯江樹之句頗類彼景用以

為韻成詩十章寄勝果裕師開士雖不足發揮  
騷雅庶寫相懷之心爾○江色杳無極渺渺接  
遙天歸帆帶夕陽去鳥衝寒烟幽景不同觀遐  
想成斯篇○樓閣聳岩堯參差極雲際高牕曉  
色鮮晚景餘霞麗寥寥群動息冥心遠塵世○  
冷淡香難羣幽趣唯吾識高情薄雲漢清談潤  
金石不學浮世人奔名競離飾○惟靜百慮忘  
軒開萬象歸空江答夜鐘高嶠留殘暉幽砌絕  
塵蹤孤雲自依依○顧惡如探湯觸物類虛舟  
他人莫已知此道本吾求獨坐時相懷斜陽下

西法志卷七  
危樓○崔魏高山側觸石生片雲自將霖雨期  
不與塵土羣杳杳遊太虛對此幾思君○高蹟  
將誰親幽樓白雲中開階吐蒼苔古木生清風  
時將西竺詩講義訓來蒙○靜躁各所好是非  
安能辯聲利如我仇雲泉若牽挽寂寂深林中  
芳蘭自堪搴○羣峰聳危碧倒影沉空江清景  
生晚晴冷色涵虛牕逍遙縱吟賞能使吾心降  
○海日照吟軒江風動庭樹此景樂閒情何人  
識高趣登樓獨南望杳杳空烟霧○王伯安詩  
江上但知山色好峰迴始見寺門開半空虛閣

有雲住六月深松無暑來病肺正思移枕簟沈  
心兼得遠塵埃富春咫尺烟濤外時倚層霞望  
釣臺○深林容鳥道古洞隱春蘿天迴聞潮早  
江空得月多冰霜叢草木舟楫玩風波巖下幽  
棲處時聞白石歌

月巖石壁削立有隙如鏡中秋蟾魄斜圓清輝滿  
隙若合璧然其傍有月榭陳天瑞詩惟石堆雲  
矗太空女媧鍊出廣寒宮一輪常滿陰晴見萬  
古無虧晝夜同搗藥聲繁驅白兔漏天孔正透  
清風光明自照如來鏡肯學姮娥西復東○王

伯安飲月榭別王侍御赴兩廣詩湖山久係念  
塊處限形蹟遙望一水間十年靡由卽軍旅起  
衰廢驅馳豈遑息前旌道回岡取捷上崎側新  
構鬱層椒石門轉深寂是時霜始降風淒羣卉  
析壑靜響江聲愔虛涵海色夕陰下西岑涼月  
穿東壁觀風此餘情撫景見高臆匪從羣公餞  
何因得良覲南徼方如燬救焚豈辭亟來歸幸  
有期終遂尋幽僻

月巖之左爲中峰其右爲宋殿前司營

中峰之上有亭曰天峰孤嘯少師夏公謹所題峰

之後爲三佛石僊姑洞郭公泉臥醉石放光石  
宋殿前司營爲親軍護衛之所俗稱御校場者是  
也山頂石筍林立石蒼翠玲瓏森若朝拱錢氏命  
爲排衙石第一峰舊有白塔塔西小徑石壁夾  
道通人往來名爲石衙宋初名公多題刻其間  
從此南望則長江帶繞北眺則西湖鑑開山下  
有金星洞通明洞柳浦皆蕪汨不可踪蹟蘇子  
瞻金星洞銘云寶山南麓鳳左翅驚雷劃石浦  
蚪起凝陰岫堅出怪瑋是生神草肖蒼虺離離  
赤痣挾春屋飛流丹石決癰瘡金星非實特取

似施及山石亦見謂凡名相因皆此比○鄭繼  
之登御校場望故宮詩萬峰雲木鬱蒼蒼古壘  
仍存閱武塲西渡關河雙眼盡中原風物百憂  
傍尚傳草莽開黃屋想見龍蛇繞御床往事只  
今俱灑淚兩階干羽意何長

峰畔舊有冲天觀望海亭介亭崇聖塔並廢○冲  
天觀在介亭後○介亭宋祖無擇建蘇子瞻登  
介亭餞楊傑次公詩籃輿西出登山門喜與我  
友尋僊村丹青明滅風篁嶺環珮空響桃花源  
前坡欲上已蠟屐黑雲白雨如傾盆今晨積霧

卷千里豈畏觸熱生病根在家頭陀無爲子多  
與青山爲第昆孤峰盡處亦何有西湖鏡天江  
抹坤臨高麾手謝好住清風萬壑傳其言風回  
響答君聽取我亦到處隨君軒○次劉景文詩  
澤國梅雨餘衰年困蒸溽高堂磨新磚頗覺利  
腰足松根百尺井兩綆飛溜綠流觴聚兒童一  
咲爲捧滙消風信可馭剛氣在巖麓始知共此  
世物外無二伏長歌入雲烟不待絃管逐西湖  
真西子烟樹點眉目濤江醞藉蕙浪翻雲屋  
俛仰撫四海百世飛鳥逐逐追錢氏餘近吊祖



侯躅吾一奇耳寸是輕人上誰似劉將軍逸  
韻謝邊一言一揮玉一不寫一春巖彩鷄  
舞月峽一猿哭朝先啼一暮與寒將續我老  
毀吟哦一君時擊觸從一事遠覽發軔此幽谷  
清游得二昧至樂謝五欲莫作狂道士氣壓劉  
師服再次袁公濟 詩昏昏墮醉夢禁此六月  
溽君詩如清風吹我朝睡足登臨得佳句江白  
照湖綠袖手猶不言默業已在腹是時風雨逼  
靄靄雲歸麓踈星帶微雨金火爭見伏惜哉此  
清景變滅不可逐歸來讀君詩耿耿猶在目却

思少年日聲價爭場屋文如翻水成賦作叉手  
速秋風起鴻鴈我亦繼華躅那知君踳躅獨泣  
荆山玉相見南新道青山每破幅早知事大謬  
恨不十年讀莫嗟馮唐老終勝賈誼哭今年復  
爲僚舊好許重續升沉何足道等是蠻與觸共  
爲湖山主出入窮澗谷衆駢君不爭人棄我所  
欲何時神武門相約挂冠服○陳述古召飲介  
亭詩西風初作十分涼喜見新橙透田香遲暮  
賞心驚節物登臨病眼怯秋光慣眠處士雲庵  
裏倦醉佳人錦瑟傍猶有夢回清興在臥聞鶯

西河志卷之七  
路樂聲長○崇聖塔高七級二十餘丈宋景祐  
初建慶曆中郡守鄭戩請加崇聖之號南渡毀  
入行宮

又西為棲雲庵

棲雲庵小雲石海涯別業也其父楚國公貫只哥  
雲石遂以貫為氏號曰嚴齋年十二三膂力絕  
人使健兒驅三惡馬疾馳持槊立而待馬至越  
二而跨三運槊生風觀者辟易或挽強射生逐  
猛獸上下峻阪如飛稍長折節讀書目五行下  
庵其藏修之所也由門徑而西可達龍華寺

又南為包家山山川壇

包家山多桃花宋時有關扁曰蒸霞二月遊人最  
盛號小桃源董嗣杲詩綺霞蒸日透林梢一簇  
南山尚姓包冷水峪邊苔色老冲雲樓下樹陰  
高園隣古道傳耕籍臺倚青城想拜郊欲趁桃  
花尋隱去關門無鎖不須敲○錢思復詩平生  
鹿門趣有意此誅茅地控江分越山因人姓包  
海鷗飛落日野馬牧荒郊流水花千樹重期載  
酒肴○張仲舉清明遊包家山詩二首遠近紅  
千樹繁開奪豔霞月明寒食雨春老上陽花輦

路迷游躅宮詞入夢華東風殘夢恨回首野人家  
○太液曾來鷓鴣高臺舊影娥美人黃土盡故國白雲多  
野草荒神籍宮蓮怨棹歌羞兒洗馬虎斜日滿寒波

山畔舊有上善庵福泉庵並廢○上善庵淳祐七年建俗名白衣五聖廟○福泉庵淳祐四年建有龍王井方丈餘雖旱不竭又名冷泉峪

山川壇洪武元年先擬建山川壇於城西廿風師壇於城東北  
雷雨師壇於城西南二年詔風雲雷雨合一壇尋又詔併山川共為一壇八年又

### 詔併城隍合祭

壇之左為正宗庵右為三一庵

正宗庵元至大間俗謂大方建

三一庵白玉蟾煉丹之所像存焉白玉蟾南海瓊州人當宋乾道間於黎母山中遇神人授洞玄雷法遨遊江湖修真訪道嘉定中召赴行都對御稱旨命主八乙宮更結小庵於此一日去不知所往庵中乃得月樓前有石池白玉蟾詩風吹玉露洗銀蟾爽氣平分桂影高把笛倚樓人不寐此時直與數秋毫千嶂爽氣已平分萬

里青天輾玉輪  
向錢唐江上望  
相逢都是廣  
寒人○貫酸齋  
茅棟蕭蕭水石間  
放懷終日  
對林巒  
夢回不與  
元丹臨砌吟  
罷始知身倚欄  
藥  
碓夜春雲  
毋急下  
口瓶  
秋送井花寒  
群魚亦得逍  
遙樂  
何用機心  
加  
釣竿

又南為大慈禪寺

大慈寺俗稱包山  
宋乾道九年僧德殊建淳熙

年間賜額

